

Times Today BD

আলমগীর হান্নান | খুলনা | 03 April, 2025

খুলনার ফুলতলা উপজেলা সদর ইউনিয়ন পরিষদের চেয়ারম্যান ও উপজেলা বিএনপির আহবায়ক শেখ আবুল বাশারকে (৫২) লক্ষ্য করে বোমা হামলার ঘটনা ঘটেছে। তবে তা তাঁর গায়ে লাগেনি। বৃহস্পতিবার (৩ এপ্রিল) রাত সাড়ে আটটার দিকে ফুলতলার খুলনা-যশোর মহাসড়কের সুপার ব্রিকসের সামনে ওই ঘটনা ঘটে।

ঘটনার পর খুলনা-যশোর মহাসড়ক অবরোধ করে বিক্ষোভ করেন স্থানীয়রা। এতে দুই পাশের যান চলাচল বন্ধ হয়ে যায়। রাত সাড়ে ৯ টার দিকে অবরোধ প্রত্যাহার করা হলে যান চলাচল স্বাভাবিক হয়।

ফুলতলা থানার ভারপ্রাপ্ত কর্মকর্তা (ওসি) মো. মনিরুজ্জামান বলেন, আবুল বাশার মোটরসাইকেলে করে ফুলতলা বাজার থেকে বেজেরডাঙ্গায় নিজের বাড়ির উদ্দেশ্যে যাচ্ছিলেন। প্রতিমধ্যে সুপার ব্রিকসের সামনে তাঁকে লক্ষ্য করে হাত বোমা ছাড়া হয়। কিন্তু বোমাটি লক্ষ্যভ্রষ্ট হওয়ায় তিনি বেঁচে গেছেন। ওই ঘটনায় স্থানীয়রা অল্প সময়ের জন্য সড়ক অবরোধ করে রেখেছিলেন, সাড়ে নয়টার দিকে তা প্রত্যাহার করে নিয়েছে। ওই ঘটনার সঙ্গে জড়িতদের আটকের চেষ্টা চলছে।

ইউপি চেয়ারম্যান বোমা হামলা বিএনপি

© 2025 TimesToday. All Rights Reserved.

Generated on 25 April, 2025 00:01

URL: <https://timestodaybd.com/khulna/273775807>